

LA USC DI LADINS - VENERDI' 14 FEBBRAIO 2020

AVISC

Ejames de ladin

*I interessé pel fêr domana
de amiscion dant di 13
de mèrz al Comun general
de Fascia*

La presidenta de la Comiscion de zertament de la cognoscenza del lengaz e de la cultura ladina, aldò de l'art. 18 de la l.p. dai 19 de jugn

2008, n. 6, fêsc a saer che l'è ori i terminis per portèr dant la domanes per la proa d'ejam per l zertament de la cognoscenza del lengaz e de la cultura ladina. Per tor pèrt a la proa de ejam i candidac cogn aer fat i 17 egn e i pel fêr l'ejam de ogne nivel, colun mai che sie l titol de studie che i à arjont.

La valutazion del nivel de competenza individuèla per l zertament de la cognoscenza del lengaz e de la cultura ladina vegn fata aldò del chèder de referiment european (qcer) racomanà dal

Consei d'Europa: nivel A2 – profil profesionèl de categoria A; nivel B1 – profil profesionèl de categoria B de basa; nivel B2 – profil profesionèl categoria C aut e categoria C; nivel C1 – profil profesionèl categoria D e insegnanc.

I interessé pel portèr ite domana de amiscion dant che vae fora les 12.00 de en vender ai 13 de mèrz del 2020 e la consegnèr a man a la canzelista de la comiscion (o a la persona enciarièda) opura la manèr ite per fax, per posta racomanèda

con avis de return (te chest cajo vèl la data del stempel de l'ofize de la posta) o amò per posta eletronica zertifichèda (demò se se à na direzion pec) a la direzion: Comiscion per l zertament de la cognoscenza del lengaz e de la cultura ladina c.a. Loreta Florian c/o Servijes linguistics e culturèi del Comun general de Fascia, strada di Prè de Gejia 2, 38036 Sèn Jan, fax 0462/763046 pec.cgf@pec.comungeneraldefascia.tn.it.

Te la domana cogn vegnir jontà ite l rezepris de paament de la tassa

per l'enscinuazion a l'ejam, (10 euro per l'ejam de nivel A2, 30 euro per i ejames de nivel B1, B2 e C1), da fêr sul cont de tesoreria del Comun general de Fascia, Cassa Centrale Banca, iban: IT 95B0359901800000000134031.

No vegnarà tout dant la domanes portèdes dant dò dal termin scrit de sora. Per i students de la Scuola Ladina de Fascia che se enscinua a la sescion rresservèda a la scola no l'è da paèr ite la quota de enscinuazion.